

兩漢博聞

二

兩漢博聞卷第三

更有三品

暴室

中二千石

佐酒

張飲

馱馱

擁彗

復道

乘傳

舍人

宿兵

柱國

詭辯

擁會

合從

約從連衡

景從

頭會箕歛

同產子

縣官

渙汗

郵亭

左道

相訐

輦鼓

流庸

傳馬

兩漢博聞三

目錄

馬口錢

緡錢

計帳

占租

倉廩

長楊五柝

橋度吏

侵漁

絕幕

柏梁臺

火耕水耨

泛駕之馬

跡弛

典屬國

水衡錢

僂仔

便殿

字大夫

笑商車

漕渠

不肖

惡少年

緩頰

間出

充禮

三川

銜枚

老弱傳籍

甬道

陛下



三齊

苑囿

酒蘭

賜告

繡衣直指

長揖

宗臣

法有祖

較然

藉橐

青瑣

濯歌

奉常

期門羽林

閑駒

少府

五兵

輸之司空

司隸

行在

執金吾

水衡都尉

越騎

戊己校尉

金璽盭綬

徹侯

丞相

睢上

渥洼馬

朝日夕月

兩漢博聞三

一

先甲

舳艫千里

汗血馬

裹蹄金

小步馬

娥番

晚節

計然

掌故

狼顧

服役

心計

齊民

均輸平準

三木

鬪茸

青社

宵人

劍論

園墻

少從

進孰

積竹杖

仰藥

招權

采金鄱水

更有三品

昭帝紀元鳳四年

食貨志

如淳曰更有三品有卒更有踐更有過更古者正卒無常人皆迭為之一月一更是為卒更貧者欲得顧更錢者次直者出錢顧之月二千是為踐更也天下之人皆直戍邊三日亦名為更律謂繇戍也雖丞相子亦在戍邊調不可人人自行三日戍又行者當自戍三日不可徃便還因使住一歲一更不行者出錢三百入官官以給戍者是為過更也律說卒踐更者也居更縣中五月乃更也後從尉律卒踐更一月休十一月也志曰月為更卒

已復為正一歲屯一歲力役三十倍于古此漢初因秦法二行之也後遂改易有謫乃戍邊一歲耳更音工衡反又食貨志注師古曰更卒謂給郡縣一月而更者也正卒謂給中都官者也率計今人一歲之屯戍及力役之事三十倍多於古也

暴室 宣帝紀

掖庭令張賀嘗事戾太子思顧舊恩哀曾孫事養甚謹為取暴室番夫許廣漢女

師古曰暴室者掖庭主織作染練之事署取

暴曬為名耳或云薄室暴亦薄也今俗語亦云薄曬蓋暴室職務既多因為置獄主治其罪人故徃徃云暴室獄耳然本非獄名嗇夫者暴室屬官亦猶之嗇夫也 注云漢官儀曰暴室主宮中婦人疾病者其皇后貴人亦就此室也

中二千石

黃霸以治行尤異秩中二千石

師古曰霸舊已二千石矣今增為中二千石以寵異之此與地節三年增膠東相王成秩

兩漢博聞三

三

其事同耳漢制秩二千石者一歲得一千四百四十石其云中二千石者一歲得二千一百六十石舉成數言之故曰中二千石者中滿也

佐酒

高帝紀十二年

上置酒沛宮悉召故人父老子弟佐酒

應劭曰助行酒

張飲

上過沛留止張飲三日

張晏曰張帷帳也張音竹亮反

馱馱 鄒陽傳

蘓秦相燕人惡之燕王燕王按劍而怒食以馱

馱 孟康曰馱馱駿馬也蘓秦雖有讒謗而更食以珍奇之味

擁彗 高帝紀六年

太公擁彗迎門卻行

李奇曰如今卒持帚也師古曰彗者所以掃也卻退而行彗音似歲反

復道

兩漢博聞三

四

上居南宮從復道上

如淳曰復音複上有有道故謂之復

乘傳

田橫乘傳至洛陽未至三十里自殺

如淳曰律四馬高足為置傳四馬中足為馳

傳四馬下足為乘傳一馬二馬為軺傳急者

乘一乘傳師古曰傳者若今之驛古者以車

謂之傳車其後又單置馬謂之驛傳傳音張

戀反

舍人

蘇林曰藺相如為宦者令舍人韓信為侯亦有舍人師古曰舍人親近左右之通稱也後遂以為私屬官號又曹參傳注曰舍人猶家人也一說私屬官主家事者也

宿兵 韓安國傳二十二

韓安國曰孝文皇帝嘗壹擁天下之精兵聚之廣武常谿然終無尺寸之功孝文寤於兵之不可宿故復合和親之約

師古曰宿久留也

柱國 高帝紀

兩漢博聞三

五

應劭曰柱國上卿官也若相國矣

詭辯 趙王彭祖傳二十三

趙王彭祖為人心刻深好持律詭辯以中人師古曰詭辯違道之辯也中傷也

權會

趙王擅權使使即縣為賈人權會

韋昭曰平會兩家買賣之賈者權者禁他家獨王家得為之也師古曰即就也就諸縣而專權賈人之會若今和市矣會音工外反

一子不事 賈山傳

賈山曰陛下即位賑貧民禮高年九十者一子不事八十者二算不事

師古曰一子不事蠲其賦役二算不事免二口之算賦也

合從 項籍傳贊一

過秦論曰諸侯恐懼會盟而謀弱秦不愛珍器重寶肥饒之地以致天下之士合從締交相與為一

師古曰締結也從子容反締大系反

約從 連橫

兩漢博聞三

六

過秦論曰約從離橫

師古曰約誓為從欲以分離為橫橫謂秦也馮衍顯志賦云毒從橫之敗俗注云毒恨也關東為從關西為橫蘇秦事鬼谷先生為從說關東六國為從親以畔秦會於洹水之上剗白馬而盟張儀與蘇秦同師為關西橫說關東六國令事秦皆尚誣詐不遵道德

景從

天下雲合響應羸糧而景從

師古曰嚮讀曰響如響之應聲羸擔也景從

言如影之隨形也

頭會箕歛 張耳傳

頭會箕歛以供軍實

服虔曰吏到其家人人頭數出穀以箕歛之

同產子 平帝紀元始元年

平帝即位令諸侯王公列侯關內侯王子而有

孫若子同產子者皆得以為嗣

師古曰子同產子者謂養昆弟之子為子者

縣官 東平王宇傳五十

東平王宇曰今縣官年少

兩漢博聞三

七

張晏曰不敢指斥成帝謂之縣官也

渙汗 元帝永光四年

詔曰政令多還民心未得

李奇曰還反也易曰渙汗其大號言王者發

號施令如汗出不可復反

郵亭 薛宣傳

郵亭不修

師古曰郵行書之舍亦如今之驛及行道館

舍也

左道 王商傳

執左道以亂政

師古曰左道僻左之道謂不正

相訐
父子相訐

師古曰訐告斥其罪也

鞞鼓 史丹傳

師古曰鞞本騎上之鼓

流庸 昭帝紀

始元四年詔曰比歲不登民匱于食流庸未盡
還

師古曰流庸謂去其本鄉而行為人庸作
傳馬

張晏曰騎馬也

馬口錢 元鳳二年

詔曰其令郡國毋歛今年馬口錢

文穎曰往時有馬口出歛錢今省如淳曰租
及六畜也

緡錢 武帝紀

李斐曰緡絲也以貫錢也一貫千錢出筭二
十也 師古曰謂有儲積錢者其計緡貫而

稅之緡武巾反

計帳

武帝元封五年明堂朝諸侯王公列侯受郡國計

師古曰計若今之諸州計帳也

占租 昭帝紀

始元六年令民得以律占租

如淳曰律諸當占租者家長身各以其物占
占不以實家長不身自書皆罰金二斤設入
所不自占物及賈錢縣官也

師古曰占謂自隱度其實定其辭也占章贍
反又言占名數其義並同今猶謂獄訟之辨
曰占皆其意也蓋武帝時賦斂煩多律外而
取今始復舊

倉廩

師古曰倉新穀所藏也廩穀所振入也

長楊五柞 宣室志

武帝疾往來長楊五柞宮

師古曰長楊五柞二宮並在盤屋皆以樹名
也

橋虔吏

師古曰橋與矯同其字從手矯托也虔固也
妄托上命而堅固為邪慝也

侵漁宣帝紀

侵漁百姓

師古曰侵漁者若言漁獵也

絕幕武帝紀元朔元年

衛青復將六將軍絕幕

應劭曰幕沙幕匈奴之南界也臣瓚曰沙土
曰幕直渡曰絕師古曰幕者即今之突厥中

兩漢博聞三

十

磧耳

柏梁臺武帝紀元鼎二年

師古曰三輔舊事云以香柏為之今書字皆
從柏

火耕水耨

應劭曰燒草下水種稻草與稻並生高七八
寸因悉芟去復下水灌之草死獨稻長所謂
火耕水耨

泛駕之馬

師古曰泛覆也音方勇反本作𩇛後通用耳

覆駕者言馬有逸氣而不循軌轍也
跡弛

跡弛之士

如淳曰士行有卓異不入俗檢而見斥逐者也師古曰跡者跡落無檢局也弛者放廢不遵禮度也跡土各反弛式爾反

典屬國 昭帝紀始元六年

蘇武前使匈奴留單于庭十九歲乃還奉使全節以武為典屬國

如淳曰以其久在外國知邊事故令典諸主

兩漢博聞三

十一

屬國師古曰典屬國本秦官漢因之掌歸義蠻夸屬官有九澤令後省并大鴻臚

水衡錢 宣帝紀

本始二年以水衡錢為平陵徙民起第宅

應劭曰水衡與少府皆天子私藏耳縣官公作當仰給司農今出水衡錢言宣帝即位為異政也

倓仔 昭帝紀

師古曰倓接幸也仔美貌也故以名宮中婦官或並從女音接余

便殿武帝紀

師古曰凡言便殿便室便坐者皆非正大之處所以就便安也

子大夫

師古曰子者人之嘉稱大夫舉官稱也志在優賢謂之子大夫

算商車

元光六年初算商車

李奇曰始稅商賈車船令出算

漕渠

兩漢博聞三

十二

穿漕渠通渭

如淳曰水轉運曰漕

不肖

師古曰肖似也不肖者言無所象類不材之人也

惡少年昭帝紀

發三輔及郡國惡少年吏有告劾亡屯遼東

師古曰惡少年謂無賴子弟也被告劾而逃亡者

緩頰高帝紀

漢王謂酈食其曰緩頰往說魏王豹

張晏曰緩頰徐言引譬喻也

間出

紀信曰事急矣臣請誑楚可以間出

師古曰間出投間隙私出若言間行微行耳
紀信詐為漢王而王出西門遁是私出也

亢禮

師古曰亢當也高下相當無所卑屈不獨為
揖拜也

三川

兩漢博聞三

十三

沛公與項羽西畧地至雍邱與秦軍戰斬三川
守李由

應劭曰三川今河南郡也由李斯子韋昭曰
有河洛伊故曰三川

銜枚

章邯夜銜枚擊項梁

師古曰銜枚者止言語謹噤欲敵人不知其
來也周官有銜枚氏枚狀如箸橫銜之

老弱傅籍

蕭何發關中老弱未傅者悉詣軍

服虔曰傳音附如淳曰令老弱未嘗傳者皆發之未二十三為弱過五十六為老師古曰傳著也言著名籍給公家徭役也

甬道

漢王築甬道屬河以取敖倉粟

應劭曰故敵鈔輜重故築垣墻如街巷也鄭氏曰甬音踊師古曰屬聯也之欲反

陛下

應劭曰陛者升堂之陛王者必有執兵陳于陛階之側羣臣與至尊言不敢指斥故呼在陛下者而告之因卑以達尊之意若今稱殿下閣下侍者執事皆此類也

三齋

田儉傳三

并三齋之地

師古曰齋及淳北膠東

苑囿

高帝紀

師古曰養鳥獸曰苑苑有垣曰囿所以種植謂之園

酒闌

文頴曰闌言希也謂飲酒者半罷半在謂之

關

賜告

高祖嘗告歸之田

孟康曰古者名吏休假曰告漢律吏二千石有予告有賜告予告者在官有功最法所當得也賜告者病滿三月當免天子優賜其告使得帶印綬官屬歸家治病師古曰告者請謁之言謂請休耳或謂之謝謝亦告也

左氏傳曰韓獻子告老禮記曰若不得病漢書云謝病皆同義

兩漢博聞三

十五

繡衣直指

百官公卿表七上

服虔曰指事而行無阿私也師古曰衣以繡者尊寵之也

長揖

高帝紀

師古曰長揖者手自上而極下也

斬以狗

師古曰狗行示也司馬法曰斬以狗使人將行徧示衆士以為戒

宗臣

蕭曹傳贊

蕭曹位冠羣后聲施後世為一代之宗臣

師古曰言為後世之所尊仰故曰宗臣
法有祖王莽傳

今天法有設後世有祖

師古曰祖始也以此為法之始

較然

如此即羣下較然輸忠黎庶昭然感德

師古曰較明貌

藉橐元后傳

車騎將軍音藉橐請罪

師古曰自坐橐上言就刑僂也

兩漢博聞三

十六

青瑣

孟康曰以青畫戶邊鏤中天子制也師古曰
青瑣者刻為連瑣文而青塗也

濯歌

成都侯王商嘗病欲避暑從上借明光宮後又
穿長安城引內澧水注第中大陂以行船立羽
蓋張周帷輯濯越歌上幸商第見穿城引水意
恨內銜之

師古曰輯與楫同濯與擢同皆所以行船也
令執楫擢人為越歌也輯謂擢之短者也今

吳越之人呼為撓撓音饒越歌為越之歌
奉常百官公卿表

師古曰太常旌旗也畫日月焉王者大事則
建以行禮官主奉持之故曰奉常也後改曰
太常尊大之義也

期門羽林

期門羽林皆屬光祿勳

服虔曰與期門下以微行後遂以名官師古
曰羽林亦宿衛之官言其如羽之張如林之
多也一說羽所以為王者羽翼也應劭曰天
有羽林大將軍之星

兩漢博聞三

十七

閑駒

太僕有龍馬閑駒橐泉駒駮承華五監長丞
如淳曰橐泉厩在橐泉宮下師古曰閑闌養
馬之所也故曰閑駒駒駮出北海中其狀如
馬駒徒高反駮音塗

少府

少府秦官掌山海池澤之稅以給共養
師古曰大司農供軍國之用少府以養天子
也供居用反養弋亮反

荀悅曰秦本次國命卿二人是以置左右丞相無三公官

五兵 吾邱壽王傳

師古曰謂矛戟弓劍戈也

輸之司空 百官公卿表

宗正屬官有都司空令丞

如淳曰律司空主水及罪人賈誼曰輸之司空編之徒官

司隸

司隸校尉持節從中都官徒千二百人

兩漢博聞三

六

師古曰以掌徒隸而巡察故云司隸中都官京師諸官府也

行在 武帝紀

師古曰天子或在京師或出巡狩不可預定故言行在耳不得謂京師亦為行在也

執金吾

師古曰金吾鳥名也主辟不祥天子出行職主先道以禦非常故執此鳥之象因以名官

水衡都尉

張晏曰主都水及上林故曰水衡主諸官故

曰都有卒徒武事故曰尉師古曰衡平也主平其稅入

越騎

越騎校尉掌越騎

如淳曰越人內附以為騎也師古曰宣紀言
伏飛射士胡越騎又此有胡騎校尉掌胡騎
與越騎校尉俱在八校尉數

戊己校尉

師古曰甲乙丙丁庚辛壬癸皆有正位唯戊
己寄治耳今所置戊己亦無常故取戊己為

兩漢博聞三

十九

名也有戊校尉己校尉一說戊己居中鎮覆
四方今所置校尉亦處西域之中撫諸國也
金璽盭綬

晉灼曰盭草名也出瑯琊平昌縣如艾可染
緣因以為綬名也師古曰璽之為言信也古
者印璽通名今則尊卑有別漢舊儀云諸侯
王黃金璽橐佗鈕文曰璽謂刻云某王之璽
徹侯

秦制爵二十級以賞功勞徹侯最貴金印紫綬
漢避武帝諱改曰通侯

師古曰徹言其爵位上通於天子

丞相

秦有左右丞相

睢上元帝紀

蘇林曰睢音誰如淳曰汝陽縣治睢之上后土祠在縣西汾在睢之北師古曰睢者以其形高起如人尻睢故以名云一說此臨汾之上地本名郟音與葵同彼鄉人呼葵音如睢故轉而為誰字故漢舊儀云葵上

渥洼馬武帝紀

兩漢博聞三

二十

馬生渥洼水中

李斐曰南陽新野有暴利長當武帝時遭刑屯田燉煌眈數于此水旁見羣野馬中有奇異者與凡馬來飲此水利長持勒鞞收得其馬獻之欲神異此馬云從水中出師古曰渥音握洼於佳反

朝日夕月

師古曰春朝朝日秋莫夕月蓋常禮也郊泰時而揖日月此又別儀

先甲

詔曰辛亥夜若景光十有二明易曰先甲三日後甲三日朕飭躬齋戒丁酉拜况于郊

師古曰况賜也辛夜有光是先甲三日也丁日拜况是後甲三日也故詔引易文

舳艫千里

李斐曰舳船後持舵處也艫船前刺櫂處也言其船多前後相銜千里不絕也

汗血馬

貳師將軍李廣利斬大宛王首獲汗血馬來作西極天馬之歌

兩漢博聞三

二十一

孟康曰言大宛國有高山其上有馬不可得因取五色母馬置其下與集生駒皆汗血因號天馬子云應劭曰大宛舊有天馬種蹋石汗血汗從膊出如血號一日千里師古曰蹋石者謂蹋石而有跡言其蹄堅利

裹蹄金

詔曰泰山見黃金宜改故名今更黃金為麟趾裹蹄以協瑞焉因以頒賜諸侯王

師古曰武帝欲表祥瑞故普改鑄為麇足馬蹄之形以易舊法耳今人往往於地中得馬

蹄金甚精好形製巧妙裏收了反

小步馬

烏耗國出小步馬

師古曰小細也細步言其蹠足即今所謂百

步千跡者也烏一加反耗直加反

纖嗇孔氏傳

師古曰纖細也與纖同嗇愛也細吝于財利

也

晚節石顯傳

元帝晚節寢疾

兩漢博聞三

二十三

師古曰晚節猶言末時也

計然貨殖傳

句踐困於會稽之上乃用范蠡計然

孟康曰姓計名然越臣也師古曰據古今人

表計然列在第四等一號計研故賓戲云研

桑心計於無垠即謂此耳計然者濮上人也

博學無所不通尤善計算嘗南遊越范蠡甲

身事之其書則有萬物錄著五方所出皆直

述之事見皇覽及晉中經簿又吳越春秋及

越絕書並作計倪此則倪研及然皆相近實

一人耳

掌故

錯傳

錯以文學為太常掌故

應劭曰掌故六百石吏主故事

狼顧食貨志

失時不雨民且狼顧

李奇曰狼性怯走喜還顧言民見天不雨今亦恐也

服役

今農夫五口之家其服役者不下二人

兩漢博聞三

二十三

師古曰服事也給公事之役也

心計

桑弘羊洛陽賈人之子以心計年十三為侍中

師古曰心計不用籌策

齊民

如淳曰齊等也無有貴賤謂之齊民

均輸

平準

桑宏羊為治粟都尉領大農請置大農部丞數十人分主郡國置均輸鹽鐵官令遠方各以其物如異時商賈所轉販者為賦而相灌輸置平

準於京師受天下委輸大農諸官盡籠天下之貨物貴則賣之賤則買之如此富商大賈無所牟大利則反本而萬物不得騰躍故曰平準
三木司馬遷傳

魏其衣赭衣關三木

師古曰三木在頸及手足

鬪茸

師古曰鬪茸猥賤也鬪下也茸細毛也言非豪傑也鬪吐合反茸人勇反又賈誼傳注鬪茸下材不肖之人也

兩漢博聞三

二十四

青社齊懷王傳

皇帝使御史湯廟立子閔為齊王曰受茲青社師古曰於廟授策張晏曰王者以五色土為大社封四方諸侯各以其方色與之苴以白茅歸以立社

宵人廣陵厲王傳

應劭曰無適近小人也

劔論司馬遷傳

司馬氏在趙者以傳劔論顯

服虔曰世善劔也師古曰劔論者能劔術也

論來頻反

圜牆

幽於圜牆之中

師古曰圜牆獄也周禮謂之圜土

少從

張騫傳

師古曰漢時謂隨使而出外國者為少從摠言其少年而從使也從材用反

進孰

大宛以西皆自恃遠尚驕恣漢使往既多其少從率進孰于天子言大宛有善馬

兩漢博聞三

二五

師古曰進孰者但空進成熟之言

積竹杖

昌邑王傳

昌邑王徵詣長安為昭帝嗣到濟陽求長鳴雞

道買積竹杖

文穎曰合竹作杖也

仰藥

息夫躬傳

師古曰仰首而飲藥也

招權

季布傳

辯士曹邱生數招權顧金錢事貴人趙談等

師古曰言招求貴人威權因以請託故得他

人顧金錢也

采金鄱水 地理志八上

孟康曰鄱陽鄱音婆師古曰采者取金之處

兩漢博聞卷第三終

兩漢博三

二十六



兩漢博聞卷第四

前漢

治行

獄市

事刃

封人頸

阪上走丸

申子學

任俠

冠玉

端門

從理入口

簿責

四皓

銜檟

詐僞萌生

翁主

王主

軌躅

偶人

左驗

城門候

矯正

小生

畔換

君侯

子絲

行レ也

丈人

鉦鼓

亞レ

射鵬

蘧蔭

閹尹

奪適

祁連山

躡鞠

冢象祁連

求雨

旬歲

泉山

承明廬

威稜

鑿坏

官騎

周陞

旄旗

謚

文鷁

榜人

屬車

反騷

廣騷 畔牢愁

品藻

咫尺之書

枉矢

天狗

常伯

法從

殊庭



首級 裨王 大黃

從橫短長術 三尺法 箴石

褒然 數竒 居無何

烏號 不世之功 鼎鼎

十二樓 箭服 伏祠

象鏡 縉紳 緜蕞

九賓 鷓夷 傾蓋

統斷幹 文甲 五諸侯

復除 拔城 穀嗛

急就篇 八噲 六體

兩漢博用

目錄二

毛用

秦篆 竹六 能

擊筑 三雍 蹲鴟

感繫 五陵 二府

交戟 置醴 枕中書

印刻 馮軾 間路

葬驪山 騶騎 凌室

間者 弋綈 太夫人

醪 指縱 棧道

鳩酒 引強 殿兵

鈍如推 酒家保 遮虜障

穹廬

成蹊

爰臂

厥角鬣首

門牡飛

九流

初用夏正

高里

犇命

封君

即山鑄錢

磨錢質取鎔

皮幣

苑馬

商顏

黔首

鶡冠

雉經

牢讓

咀藥

劔珮

秒忽

置亭

離飢寒

金選之品

名數

首鼠兩端

睢陽曲

治行

曹叅傳九

兩漢博聞

黃寶

蕭何薨曹叅聞之

人趣

師古曰舍人猶家人也一說私屬官王家事

者也趣讀曰促謂速也治行謂脩行治裝也

獄市

曹叅傳

曹叅屬其後相曰以齊一一為寄曰夫獄市者

所以并容也今君擾之姦人安所容乎

孟康曰夫獄市者兼受善惡若窮極姦人

姦人無所容竄久且為亂秦人極刑而天下

畔孝武峻法而獄繁此其効也師古曰老子

云我無為民自化我好靜民自正叅欲以道

化為本不欲擾其末也

事刃

蒯通傳十五

蒯通為范陽令曰足下殺人之父孤人之子慈父孝子不敢一一於公之腹者畏秦法也

李奇曰東方人以物市地中為事師古曰事音側吏反字本作傳

封人頸

王莽傳六十九中

王莽下書曰妾一一一得錢者去

如淳曰權臣妾以法枉其人為僮僕封其頸以別之也得顧錢去封

兩漢博聞

二

唐庚

阪上走丸

蒯通傳

蒯通曰范陽令先下而身富貴邊城必相率而降如一一一也

師古曰言乘勢便易

申子學

張歐傳十六

張歐孝文時以治刑名侍太子

師古曰劉向別錄云一一一號曰刑名刑名

者循名以責實其尊君卑臣崇上抑下合於六經說者云刑刑家名名家即太史公所論六家之二也此說非歐音驅

任俠

季布傳七

應劭曰任謂有堅定可任託以事也如淳曰相與信為一同是非為一師古曰任謂任使其氣力俠之言挾也以權力俠輔人也任音人禁反俠音下頰反

冠玉

陳平傳十

或讒陳平曰平雖美丈夫如一耳其中未必有也

孟康曰飾冠以玉光好外見中非所有也

端門

周勃傳十

兩漢傳開四

三一

苑道

師古曰一一殿之一門

從理入口

周勃傳

許負相周亞夫君後三歲而侯侯八歲為將相後九歲而餓死負指其口曰一一一一此餓死法也亞夫果封條侯為將軍拜太尉下廷尉不食五日死

師古曰從豎也音子容反

簿責

周勃傳

周亞夫下吏吏一一亞夫

如淳曰簿問其辭情師古曰簿問者書之於

簿一一問之也

四皓

王貢兩龔傳序四十二

漢興有園公綺里季夏黃公角里先生

師古曰一一稱號本起於此更無姓名可稱
知此蓋隱居之人匿跡遠害不自標顯祕其
氏族故史傳無得而詳至於後代皇甫謐圈稱
之徒及諸地理書說竟為四人施安姓字自
相錯互語又不經班氏不載於書諸家皆臆
說今並棄略一無取焉

銜櫛

王吉傳四十二

司馬相如傳二十七下

兩漢傳聞

四

陳震

師古曰一馬銜也 車鉤心也張揖以櫛為
馬之長銜非也櫛音其月反又注司馬相如
諫獵書曰銜櫛之變言馬銜或斷鉤心或出
則致傾敗以傷人也

詐偽萌生

王吉傳

師古曰萌生言其事出如草木之初生

翁主

王吉傳

高帝紀又注

漢家列侯尚公主諸侯則國人承一一

晉灼曰娶天子女曰尚公主國人娶諸侯女
曰承翁主尚承皆卑下之名也師古曰翁主

者言其父自主婚也

王主

成帝紀建始元年

張晏曰——王之女也師古曰王主即翁主也王自主婚故曰王主

軌躅

叙傳七十上

伏周孔之——

鄭氏曰躅迹也三輔謂牛蹄處為躅音丈
飲反

偶人

公孫賀傳三十六

朱安世自獄中上書——公孫賀之子敬聲與陽

兩漢博聞

五

朱文

石公主私通及使人——祭祠詛上且上甘泉當
馳道埋——賀父子死獄中家族巫蠱之禍起
自朱安世成於江充遂及公主皇后太子皆敗
師古曰刻木為人象人之形謂之偶人偶並
也對也

左驗

楊惲傳三十六

張湯傳二十九

楊惲下廷尉廷尉于定國考問——明白

師古曰左證左也言當時在其左右見此事
者也又張湯傳注李奇曰左證左也師古曰
謂之左者言除罪人正身之外又取其左右

者考問也

城門候

蔡義傳三十六

師古曰門候主候時而開閉也

橋正

劉屈氂傳三十六

一當世反諸一

師古曰正曲曰橋橋讀與矯同其字從手

小生

朱雲傳三十七

丞相薛宣留朱雲宿因謂曰且留我東閣可以觀四方奇士雲曰一一廼欲相吏邪宣不敢復言師古曰小生謂其新學後進言欲以我為

兩漢博聞四

六

楊珪

吏乎

畔換

叙傳七十下

項氏一一黜我巴漢

孟康曰畔反也換易也不用義帝要換易與高祖漢中也師古曰此說非也畔換強恣之貌猶言跋扈也詩大雅皇矣篇曰無然畔換

君侯

劉屈氂傳三十六

如淳曰漢儀注列侯為丞相稱一一師古曰揚惲傳立常謂惲為君侯是則通呼列侯之尊稱耳非必丞相也

子絲

叙傳

——慷慨

師古曰爰盎字絲此加子者是嘉稱以偶句耳

行馳道

鮑宣傳四十二

丞相孔光四時行園陵官屬以令——中如淳曰令諸侯有制得行馳道中者行旁道無得行中央三丈也

成帝紀云不敢絕馳道

應劭曰馳道天子所行道也若今之中道

西漢博聞四

七

朱文

丈人

疏廣傳四十一

師古曰——嚴莊之稱也故親而老者皆稱焉

鉦鼓

東方朔傳三十五 平帝紀元始二年

師古曰——之教鉦鼓所以為進退士衆之節也

平帝紀遣執金吾侯陳茂行邊兵假以——應劭曰將帥乃有鉦鼓今茂官輕兵少又但往諭曉之耳所以假鉦鼓者欲重其威也鉦者饒也似鈴柄中上下通師古曰鉦音征饒

音女交反

亞將

灌嬰傳十一

虜——周蘭

師古曰亞次也

射鵠

李廣傳二十四

文穎曰鵠鳥也故使善射者射之師古曰鵠

大鷲鳥也一名鷲黑色翻可以為箭羽音彫

蘧蔭

師古曰——口柔觀人顏色而為辭佞也

閹尹

叙傳下

兩漢博聞四

八

趙通

師古曰謂官人為閹者言其精氣奄閉不泄

也一曰主奄閉門者尹正也

奪適

梅福傳三十七

諸侯奪宗聖庶——

如淳曰奪宗始封之君尊為諸侯則奪其

舊為宗子之事也奪適文王舍伯邑考而立

武王是也孔子雖庶可為殷後師古曰適讀

曰嫡

祁連山

霍去病傳二十五

霍去病出北地遂深入至——

師古曰祁連山即天山也匈奴呼天為祁連
祁音上夷反

躡鞠

去病傳

去病在塞外卒乏糧而去病尚穿域一一也

服虔曰穿地作鞠室也師古曰鞠以皮為之
實以毛毳躡而戲也躡音徒臘反鞠音距六反

冢象祁連

去病傳

霍去病薨上悼之發屬國玄甲軍陳自長安至
茂陵為一一一一山

師古曰在茂陵旁冢上有豎石冢前有石人

兩漢博聞四

九

趙通

馬者是也

求雨

董仲舒二十六

董仲舒為江都相治國以春秋災異之變推陰
陽所以錯行故一一閉諸陽縱諸陰其止雨反
是

師古曰謂若閉南門禁舉火及開北門水灑
人之類是也

旬歲

翟方進傳五十四

翟方進為丞相司直一一間免兩司隸朝廷憚
之

師古曰旬徧也滿也旬歲猶言滿歲也若十日之一周

泉山

朱買臣傳三十四

東越王居保一一

師古曰泉山即今泉州之山也保者保守之以自固也

承明廬

嚴助傳三十四

賜會稽太守嚴助詔曰君厭一一之一

張晏曰承明廬在石渠閣外直宿所止曰廬

威稜

李廣傳二十四

一一一憺乎鄰國

李奇曰神靈之威曰稜憺動也憺音徒濫反

鑿坏

楊雄傳五十七下

應劭曰一一謂顏闔也魯君聞顏闔賢欲以爲相使者往聘因鑿後垣而亡也坏音陪又音普回反

宦騎

蘇武傳二十四

師古曰一一宦者而爲騎也

周陔

楊雄傳

以罔爲一一

李奇曰陸遮禽獸圍陳也陸音祛

旄旗

藝文志十

師古曰畫龜蛇曰一鳥隼曰一

謚

司馬相如傳二十七下

師古曰一者行之迹也

文鷁

相如傳二十七上

浮一一

張揖曰鷁水鳥也畫其象於船首淮南子曰
龍舟鷁首天子之乘也

榜人

相如傳

一一歌

兩漢博聞四

土

黃寶

張揖曰榜船也月令云命榜人榜人船長也
王倡聲而歌者也榜音謗又方孟反

屬車

相如傳二十七下

應劭曰古者諸侯貳車九乘秦滅九國兼其
車服漢依秦制故大駕一一八十一乘師古
曰屬者言相連續不絕也

反騷

廣騷 畔牢愁

揚雄傳五十七上

揚雄讀屈原離騷文未嘗不流涕以為君子遇
不遇命也何必湛身哉

湛讀曰沈謂
投水而死

迺作書往往

撫離騷文而反之自岷山投書江流以弔屈原
名曰一離一又旁離騷作重一篇名曰一一
又旁惜誦以下至懷沙一卷名曰一一
師古曰旁依也音步浪反其下類此重音直
用反李奇曰畔離也牢聊也與君相離愁而
無聊也師古曰惜誦懷沙皆屈原所作九章
中名也

品藻

楊雄傳五十七下

仲尼之後訖于漢道德行顏閔股肱蕭曹爰及
名將尊卑之條稱述一一一誤淵騫

兩漢博聞四

十一

唐彥

師古曰品藻者定其差品及文質

咫尺之書

韓信傳四

奉一一一一以使燕燕必不敢不聽

師古曰八寸曰咫咫尺者言其簡牘或長咫
或長尺喻輕率也今俗言尺書或言尺牘蓋
其遺語耳

枉矢

劉向傳六

一一一
夜光

應劭曰流星也其射如矢蛇行不正故曰枉
矢流以亂伐亂蘇林曰有聲為天狗無聲為

枉矢

劉向傳

天狗

孝昭時有大星如月西行衆星隨之此為特異
孝宣興起之表——夾漢而西

李竒曰流星也下墮地為天狗皆祿星

常伯

谷永傳五十五

戴金貂之飾執——之職

師古曰常伯侍中也伯長也常使長事者也
一曰常任使之人此為長也

法從

揚雄傳五十七上

趙昭儀方大幸每上甘泉常——

師古曰法從者以言法當從耳非失禮一曰
從法駕也

殊庭

郊祀志五下

師古曰——蓬萊中仙人庭也

首級

衛青傳三十五

斬輕銳之卒捕伏聽者三千一十七級

張晏曰伏於隱處聽軍虛實師古曰本以斬
敵——拜爵——故謂一首為一級因復名
生獲一人為一級也秦法斬首一賜爵一級

裨王

衛青傳

漢兵圍右賢王右賢王驚夜逃潰圍北去輕騎校尉郭成等追數百里弗得得右賢一十餘人

師古曰裨王小王也若言裨將也

大黃

李廣傳二十四

李廣自以一一射其裨將

服虔曰黃肩弩也孟康曰太公陷堅卻敵以大黃參連弩也晉灼曰黃肩即黃間也大黃其大者也師古曰服晉二說是也

兩漢博聞四

十四

駱善

從橫短長術

張湯傳二十九
藝文志下

王父偃傳三十四上

邊通學短長官至濟南相

應劭曰短長術興於六國時短長其語隱謬用相激怒也張晏曰蘇秦張儀之謀趣彼為短歸此為長戰國策名短長術也

王父偃學長短從橫術

藝文志云從橫家者流蓋出於行人之官孔子曰誦詩三百使於四方不能顯對雖多亦奚以為

師古曰謂人不達於事誦詩雖多亦無所用

三尺法

杜周傳三十

客謂廷尉杜周曰君為天下決平不循——專以人主意指為獄獄者固如是乎

孟康曰以三尺竹簡書法律也

箴石

藝文志

師古曰——所以刺病也——謂砭石即石箴也

古者攻病則有砭今其術絕矣箴音之林反砭音彼廉反

裒然

董仲舒傳二十六

子大夫——為舉首

兩漢傳聞四

十五

毛用

張晏曰裒進也為舉賢良之首也師古曰裒然盛服貌也

數奇

李廣傳

大將軍陰受上指以為李廣——

孟康曰奇隻不耦也如淳曰數為匈奴所敗為奇不耦師古曰言廣命隻不耦合也孟說是矣數音所角反奇音居宜反

居無何

李廣傳

師古曰無何謂未多時也

烏號

司馬相如傳二十七上

郊祀志五上

左一之雕弓

應劭曰楚有柘桑鳥栖其上支下著地不得飛欲墮號呼故曰烏號

郊祀志黃帝采首山銅鑄鼎於荆山下鼎既成有龍垂胡顛下迎黃帝黃帝上騎群臣後宮從上龍七十餘人龍廼上去餘小臣不得上廼悉持龍顛龍顛拔墮墮黃帝之弓百姓仰望黃帝既上天乃抱其弓與龍顛號故後世名其處曰鼎湖其弓曰烏號於是天子曰嗟乎誠得如黃帝吾視去妻子如脫屣耳

兩漢博聞四

共

毛用

師古曰屣小履脫屣者言其便易無所顧也
不世之功 後漢隗囂傳三附

足下將建伊呂之業弘一一一一
注云不世者言非世之所常有也

盈鼎者鼎

郊祀志

一鼎及一

師古曰鼎絕大者謂之乃鼎圜弁上謂之亦鼎
音乃代反鼎音茲

十二樓

郊祀志五下

方士有言黃帝時為五城一一一一以候神人名

曰迎年

應劭曰昆侖玄圃五城十二樓仙人之所常居師古曰迎年若云祈年

箭服

相如傳

右夏服之勁箭

伏儼曰服盛箭器也夏后氏之良弓名繁弱其矢亦良即繁弱之一一也師古曰箭服即今之步义也

伏祠

郊祀志五上

秦德公作一一

兩漢博聞四

七

唐考

孟康曰六月伏日也周時無至此乃有之師古曰伏者謂陰氣將起迫於殘陽而未得升故為藏伏因名伏日也立秋之後以金代火金畏於火故至庚日必伏庚金也

梟鏡

郊祀志

人有言古天子常以春解祠祠黃帝用一一破一
張晏曰黃帝五帝之首也春歲之始也梟惡逆之鳥方士虛誕云以歲始被除凶災令神仙之帝食惡逆之物使天下為逆者破滅訖竟無有遺育也孟康曰梟鳥名食母破鏡獸

名食父黃帝欲絕其類使百吏祠皆用之破
鏡如龜而虎眼如淳曰漢使東郡送梟五月
五日作梟羹以賜百官以其惡鳥故食之也
師古曰解祠者謂祠祭以解罪求福

縉紳

郊祀志

李奇曰一插笏於一紳大帶也臣瓚曰縉赤
白色紳大帶也左氏傳有縉雲氏師古曰李
云縉插是也字本作搢插笏於大帶與革帶
之間耳或作薦紳者亦謂薦笏於紳帶之間
其義同

兩漢博聞四

十六

陳震

緜蕞

叔孫通傳十三

叔孫通與其弟子百餘人爲一一野外

應劭曰立竹及茅索營之習禮儀其中也如
淳曰謂以茅剪樹地爲纂位尊卑之次也春
秋傳曰置茅蕞師古曰蕞與蕞同並子悅反
如說是也

九賓

叔孫通傳

大行設一一臚句傳

蘇林曰上傳語告下爲臚下告上爲句也韋
昭曰大行掌賓客之禮今之鴻臚也九賓則

周禮九儀也謂公侯伯子男孤卿大夫士也

鷓夷

范蠡傳六十一

鄒陽傳二十一

師古曰范蠡自號鷓夷子皮者言若盛酒之鷓夷多所容受而可卷懷與時張弛也鷓夷皮之所為故曰子皮應劭曰吳王取馬革為鷓夷受伍子胥沈之江鷓夷楹形師古曰即今之盛酒鷓夷勝

傾蓋

鄒陽傳

鄒陽上梁孝王書語曰白頭如新——如故何則知與不知也

兩漢博聞四

十九

唐荅

孟康曰初相識至白頭不相知文穎曰傾蓋猶交蓋駐車也

統斷幹

枚乘傳二十一

泰山之雷穿石單極之——

孟康曰西方人名屋梁為極單一也一說梁謂井鹿盧也言鹿盧為纆索久缺斷井幹也晉灼曰統古纆字也單盡也盡極之纆斷幹幹井上四交之幹常為汲索所契傷也師古曰晉說近之幹者交木井上以為欄者也孟云鹿盧失其義矣統纆皆音纆缺契皆刻也音

口計反

文甲

東方朔傳 後漢杜篤傳
後漢王符傳

師古曰璫瑁一一也廣志曰璫瑁形似龜出南海吳錄曰璫瑁似龜而大

五諸侯

高帝紀二年

羽雖聞漢東既擊齊欲遂破之而後擊漢漢王以故得劫一一兵

師古曰五諸侯者謂常山河南韓魏殷也此年十月常山王張耳降河南王申陽降韓王鄭昌降三月魏王豹降虜殷王卬

兩漢博聞四

二十

朱文

復除

高帝紀二年

蜀漢民給軍事勞苦復勿租稅二歲

師古曰一者一其賦役也音方目反

拔城

高帝紀秦二年

攻碭三日拔之

師古曰一者克一邑而取之言若拔樹木并得其根

穀噉

郊祀志五下

師古曰噉少意也言一稼少一音苦簞反

急就篇

藝文志十

元帝時黃門令史游作一一一成帝時李長作元尚篇皆蒼頡中正字也

八體

藝文志

韋昭曰一一一曰大篆二曰小篆三曰刻符四曰蟲書五曰摹印六曰署書七曰殳書八曰隸書

六體

藝文志

一一者古文奇字篆書隸書繆篆蟲書

師古曰古文謂孔子壁中書奇字即古文而異者也篆書謂小篆蓋秦始皇使程邈所作

兩漢博聞四

二上

朱文

也隸書亦程邈所獻主於徒隸從簡易也

始造隸書

起於官獄多事苟趨省易施之於徒隸也

繆篆謂其文屈曲纏繞所以

摹印章也蟲書謂為蟲鳥之形所以書幡信也

秦篆

藝文志

史籀篇者周時史官教學童書也與孔氏壁中古文異體蒼頡七章者李斯所作也博士七章者胡毋敬所作也文字多取史籀篇而篆體復頗異所謂一一也

竹皮冠

高帝紀

應劭曰以丨始生丨作丨今鵲尾冠是也文
穎曰高祖居貧志大取其約省與衆有異韋
昭曰竹皮竹筠也今南夷取竹幼時績以爲
帳師古曰竹皮笋皮謂笋上所解之籜耳非
竹筠也今人亦往往爲笋皮巾古之遺制也

能

高帝紀

吾非敢自愛恐丨薄

師古曰能謂材也能本獸名形似熊足似鹿
爲物堅中而強力故人謂有賢材者皆爲能

擊筑

高帝紀十二年

後漢延篤傳五十四

兩漢博聞四

二十二

道通

高祖過沛留置酒沛宮酒酣上丨丨而歌

鄧展曰筑音竹應劭曰狀似琴而大頭安弦
以竹擊之故名曰筑師古曰今筑形似瑟而
細頸也後漢書注云說文曰筑五弦之樂沈
約宋書曰筑不知誰所造也史記唯云高漸
離擊筑案今筑形似箏有項有柱史記荆軻
至燕日與屠狗及高漸離擊筑荆軻和而歌
於市中相樂已而相泣旁若無人

三雍

河間獻王傳二十三

河間獻王武帝時來朝獻雅樂對丨丨宮

應劭曰辟雍明堂靈臺也雍和也言天地君臣人民皆和也又漢書音義曰皆叶天人雍和之氣為之故謂三雍

蹲鴟

貨殖傳六十一

蜀卓氏曰吾聞嶧山之下沃壑下有踰鴟至死不飢

師古曰一一謂芋也其根可食以充糧故無飢年華陽國志曰汶山郡都安縣有大芋如蹲鴟也

感槩

郭解傳六十二

季布傳七

郭解少時陰賊一一

師古曰陰賊者陰懷賊害之意也感槩者感意氣而立節槩也

季布傳贊曰婢妾賊人感槩而自殺非能勇也

五陵

原涉傳六十二

師古曰一一謂長陵安陵陽陵茂陵平陵也班固西都賦曰南望杜霸北眺五陵是知霸陵杜陵非此五陵之數也而說者以為高祖以至茂陵為五陵失其大意

二府

劉向傳六

如淳曰——謂丞相御史大夫府也亦曰兩府也

交戟

劉向傳

佞邪與賢臣並在——之內

師古曰交戟謂宿衛者

置醴

楚元王傳六

魯穆生受詩於浮丘伯楚元王好詩以穆生為中大夫穆生不嗜酒元王每一酒常為穆生設——及王戊即位常設後忘設焉穆生退曰可以逝矣醴酒不設王之意怠楚人將鉗我於市稱

兩漢博聞四

姑

黃寶

疾卧

師古曰醴甘酒也少麴多米一宿而熟不齊之

枕中書

劉向傳

宣帝興神仙方術之事而淮南有——鴻寶苑祕——言神仙使鬼物為金之術及鄒衍重道延命方世人莫見而劉更生父德武帝時治淮南獄得其書更生幼而讀誦以為奇獻之言黃金可成上令典尚方鑄作事費甚多方不驗

師古曰鴻寶苑祕書並道術篇名藏在枕中

言常存錄之不漏泄也

印刻

韓信傳四

韓信曰項王使人有功當封爵刻一一忍不能予

蘇林曰刻音利角之利利與搏同手弄角訛不忍授也師古曰刻音五九反搏音大官反

馮軾

酈食其傳十三

酈食其一一下齊七十餘城

師古曰馮讀曰憑憑據也軾車前橫板隆起者也云馮軾者言但安坐乘車而游說不用

兩漢博聞四

五

黃寶

兵衆

間路

韓信傳

黥布傳四

韓信欲東下井陘擊趙李左車說趙王曰願假臣奇兵三萬人從一一絕其輜重

師古曰間路微路也

黥布先從間道破關下軍

師古曰間道微道也

葬驪山

劉向傳

秦始皇一一於一一之阿下錮三泉上崇山墳高五十餘丈石椁為游館人膏為燈燭水銀為江

海黃金為鳧鴈珍寶之藏機械之變棺擲之麗
宮館之盛不可勝原又多殺宮人生糶工匠計
以萬數驪山之作未成而周章百萬之師至其
下矣項籍燔其宮室往者咸見發掘其後牧兒
云羊羊入其鑿牧者持火照求羊失火燒其藏
擲

師古曰石椁為游館者多累石於壙中以
為離宮別館也孟康曰作機發木人之屬
盡其巧變也晉灼曰始皇本紀命匠作機弩
矢有所穿近輒射之又言工匠為機咸皆知
之已下閉羨門皆殺工匠也師古曰不可勝原
者言不能盡其本數也周章陳勝之將也往
者皆見發掘之以求財物也鑿謂所穿冢藏
者音在到反

騶騎

惠帝紀 東方朔傳又注

應劭曰騶一一也師古曰騶本廐之馭者後
又令為騎因為騶騎耳

凌室

惠帝紀 成帝紀又注

師古曰一一藏冰之室也

間者

文帝紀

師古曰——猶言中間之時也

弋綈

文帝紀贊

文帝身衣——

如淳曰弋皂也賈誼曰身衣皂綈師古曰弋
黑色也綈厚繒綈音大奚反

太夫人

文帝紀

如淳曰列侯之妻稱夫人列侯死子復為列侯
乃得稱——子不為列侯不得稱也

醪

文帝紀

師古曰——汁滓酒也

兩漢博聞四

廿七

揚

指縱

蕭何傳九

功臣皆曰蕭何未有汗馬之勞居臣等上何也
上曰諸君知獵乎夫獵追殺獸者狗也而發縱
指示獸處者人也

師古曰發縱謂解紿而放之也指示者以手
指示之俗言放狗縱音子用反而讀者乃為
蹤蹟之蹤非也書本皆不為蹤字自有逐蹤
之狗不待人發也

棧道

高帝紀

張良說漢王燒絕——

師古曰閣道也

鳩酒

齊悼惠王傳八

應劭曰一鳥黑身赤目食蝮蛇野葛以其羽
畫一中飲之立死

引強

周勃傳七

周勃材官一一

服虔曰能引強弓弩官也孟康曰如今挽強
司馬也師古曰強音其兩反

殿兵

周勃傳

周勃擊章邯車騎殿

兩漢博聞四

二十八

楊珪

師古曰殿填也謂鎮軍後以扞敵勃擊破章
邯之一一也殿音丁見反

鈍如推

周勃傳

周勃不好文學每召諸生說士東鄉坐責之趣
為我語其推少文如此

臣瓚曰令直言勿稱經也師古曰趣讀曰促
謂令速言也服虔曰謂訥鈍也應劭曰今俗
名拙語為推儲師古曰推謂樸一一也音
直推反

酒家保

欒布傳七

藥布窮困賣庸於齊為——

孟康曰酒家作保保庸也可保信故謂之保

師古曰謂庸作受顧也為保謂保可任使

遮虜障

李陵傳二十四

師古曰障者塞上險要之處往往脩築別置
候望之人所以自障蔽而伺敵也——名

也

穹廬

匈奴傳六十四上

師古曰——旃帳也其形穹隆故曰穹廬

成蹊

李廣傳贊二十四

諺曰桃李不言下自——

師古曰蹊謂徑道也言桃李以其華實之故
非有所召呼而人爭歸趣來往不絕其下自
然成徑以喻人懷誠信之心故能潛有所感也

爰臂

李廣傳

李廣——

如淳曰臂如爰臂通肩也

厥角齧首

諸侯王表二

王莽因母后之權漢諸侯王——

應劭曰厥者頓也角者額角也齧首首至地

言王莽漸漬威福漢之王侯莫敢怨望皆頓角
齧首至地而上其璽綬也晉灼曰厥猶豎也
叩頭則額角豎齧與稽同

門牡飛

五行志七中之上

成帝元延元年長安章城門門牡自亡函谷關
次門牡亦自亡

晉灼曰章城門者西出南頭第一門也師古
曰牡所以下閉者也亦以鐵爲之韋昭曰次
門者函谷關邊小門也師古曰非行人所由
蓋關司曹府所在之門也

兩漢博聞四

三十

陳震

京房易傳曰飢而不損茲謂泰厥災水厥咎牡
亡妖辭曰關動牡飛辟爲亡道臣爲非厥咎亂
臣謀篡故谷永對曰章城門通路寢之路函谷
關距山東之險城一關守國之固固將去焉故
一一也

九流

藝文志十

儒家者流出於司徒之官道家者流出於史官
陰陽家者流出於羲和之官法家者流出於理
官名家者流出於禮官墨家者流出於清廟之守
從橫家者流出於行人之官雜家者流出於

官農家者流出於農稷之官小說家者流出於稗官諸子十家其可觀者九家而已皆起於王道既微諸侯力政時君世主好惡殊方是以九家之術蠡出並作

師古曰稗音穉稗之稗稗官小官漢名臣奏唐林請省置吏公卿大夫至都官稗官各減什三是也

初用夏正 高里 武帝紀

太初元年冬十月行幸泰山十一月甲子朔旦冬至祀上帝于明堂十二月禮高里

兩漢博聞四 三十一 唐彙

應劭曰————以正月為歲首故改年為太初也——者伏儼曰山名在泰山下師古曰此高字自作高下之高而死人之里謂之高里或呼為下里者也字即為蓬蒿之蒿或者既見太山神靈之府高里山又在其旁即誤以高里為蒿里混同一事文學之士共有此謬陸士衡尚不免况其餘乎今流俗書本此高字有作蒿者妄加增耳

犇命 昭帝紀

始元元年益州牂柯等皆反遣水衡都尉呂破胡

募吏民及發犍為蜀郡——擊益州大破之

應劭曰舊時郡國皆有材官騎士以赴急難
今夷反常兵不足以討之故權選取精勇聞
命奔走故謂之奔命師古曰犇古奔字耳犍
音虔又鉅言反

封君

食貨志四下

師古曰——受封邑者謂公主及列侯之屬也
即山鑄錢 食貨志

建元以來用度少縣官往往——多銅——而——
師古曰就多銅之山而鑄錢也

兩漢博聞四

三十二

楊珪

摩錢質取鎔

食貨志

姦或盜——而——

臣瓚曰許慎云鎔銅屑也摩錢漫面以取其
屑更以鑄錢西京黃圖叙曰民摩錢取屑是
也師古曰鎔音谷

皮幣

食貨志

有司言曰古者——諸侯以聘享金有二等黃
金為上白金為中赤金為下今半兩錢法重四銖
而姦或盜摩錢質而取鎔錢益輕薄而物貴則
遠方用幣煩費不省乃以白鹿皮方尺緣以黃

為皮幣直四十萬王侯宗室朝覲聘享必以皮幣薦璧然後得行又造銀錫白金以為天用莫如龍地用莫如馬人用莫如龜故白金三品其一曰重八兩圜之其文龍名白撰直三千二曰以重差小方之其文馬直五百三曰復小橢之其文龜直三百令縣官銷半兩錢更鑄三銖錢重如其文盜鑄諸金錢罪皆死而吏民之犯者不可勝數

孟康曰白金銀也赤金丹陽銅也鄭氏曰半兩錢其文為半兩實重四銖也師古曰續繡也繪五采而為之如淳曰銀錫白金者雜鑄銀錫為白金也晉灼曰以重差小之者以半斤之重差為三品則中品六兩下品四兩也師古曰橢音他果反橢圜而長之也

苑馬

景帝紀中六年

匈奴入鴈門至武泉入上郡取苑馬

如淳曰漢儀注太僕牧師諸苑三十六所分布北邊西邊以郎為苑監官奴婢三萬人養馬三十萬頭師古曰武泉雲中之縣也養鳥獸者通名為苑故謂牧馬處為苑

商顏

溝洫志九

發卒萬人穿渠自徵引洛水至——下

師古曰徵音懲即今所謂澄城也商顏商山之顏也謂之顏者譬人之顏額也亦猶山領象人之頸領

黔首

藝文志十

後漢光武紀

師古曰秦謂人為——言其頭黑也又光武建武五年注秦呼人為黔首謂奴為蒼頭以別於良人也

鷩冠

藝文志

後漢志三十

楚人居深山以——為——師古曰以鷩鳥羽為

冠

後漢志武冠加雙鷩尾豎左右為鷩冠五中郎將羽林左右監等皆冠鷩冠鷩者勇雉也其闢對一死乃止故趙武靈王以表武事秦施之焉徐廣曰鷩似黑雉出於上黨荀綽晉百官表注曰冠插兩鷩鷩鳥之暴疏者也每所攫撮應爪摧斲天子武騎故以冠焉傳玄賦注曰羽騎騎者戴鷩

雉經

馮奉世傳贊四十九

申生

師古曰國語云晉獻公黜太子申生乃雉經于新城之廟蓋為俛頸閉氣而死若雉之為牢讓

爵位

咀藥

王嘉傳五十六

王嘉引藥杯以擊地曰三公負國當伏刑都市何謂一而一而死

師古曰咀嚼也

劔璣

王莽傳六十九上

兩漢博聞四

卅五

趙通

王莽為新都侯就國孔休守新都相莽盡禮待之緣恩意進玉具寶劔欲以為好休不肯受莽因曰誠見君面有瘕美玉可滅瘕欲獻其璆以解其璆休復辭莽曰君嫌其價邪遂椎碎之自裹以進休休乃受及莽徵去欲見休休稱疾不見

師古曰瘕創痕也服虔曰璆音衛蘇林曰劔鼻也師古曰璆本作璣後傳寫訛也璆自厖璆字耳音篆說文云劔鼻玉也從玉璊音直例反

秒忽

叙傳七十下

元元本本數始於一產氣黃鍾造計一一

劉德曰秒禾芒也忽蜘蛛網細者也師古曰秒音眇其字從禾

置亭

馮奉世傳

劉屈氂傳又注

師古曰置謂置驛之所也

離飢寒

蕭望之傳四十八

邊郡數被兵一一一

師古曰離遭也

金選之品

蕭望之傳

兩漢博聞四

廿六

趙通

西羌反張敞上書言縣官穀度不足以振之

度徒各反

願令諸有臯非盜受財殺人及犯法不得赦者皆得以差入穀贖罪天子下其議兩府丞相御史以難問敞敞曰因此令贖其便明甚何化之所亂甫刑之罰小過赦薄罪贖有

師古曰呂侯為周穆王司寇作贖刑之法謂

之呂刑後改為甫侯故又稱甫刑也應劭曰

選音刷金銖兩名也師古曰音刷是也字本

作錡錡即鏹也其重十二銖二十五分銖之

十三一曰重六兩呂刑曰墨辟疑赦其罰百

鍤劓辟疑赦其罰惟倍荆辟疑赦其罰倍差
宮辟疑赦其罰六百鍤大辟疑赦其罰千鍤
是其品也

名數

孔光傳五十一

元帝賜霸第一區徙——于長安

師古曰名數戶籍也

首鼠兩端

田蚡灌夫傳二十二

武安侯田蚡始未貴時往來侍酒於魏侯竇嬰
所跪起如子姓及蚡貴士吏趨勢利者皆去嬰
而歸蚡蚡日益橫灌夫者父張孟嘗為灌嬰舍

兩漢博聞四

三十七

毛用

人得幸故蒙灌氏姓吳楚反夫父子俱有功武
帝時夫位至太僕後蚡請嬰城南田嬰曰老僕
雖棄將軍雖貴寧可以勢相奪乎不許夫聞怒
蚡聞嬰夫怒不與田蚡亦怒兩人有隙蚡取燕
王女為夫人嬰與夫俱往賀遂縛夫居室遣吏
逐捕諸灌氏支屬皆得棄市罪嬰救夫因言蚡
短兩人廷辨之蚡罷朝召御史大夫韓安國怒
曰與長孺共治一禿翁何為———嬰夫皆
棄市

師古曰姓生也言同子禮若己所生也居室

署名屬少府長孺安國字也張晏曰秃翁言
嬰年老嗜酒頭秃言當共治一秃翁也服虔
曰首鼠一前一却也

睢陽曲

梁孝王傳十七

梁孝王築東苑三百餘里廣睢陽城七十里
師古曰更廣大之也晉太康地記云城方
十三里梁孝王築之鼓倡節杵而後下和之
者稱——今踵以為故今之樂家睢陽曲
是其遺音

兩漢博聞卷第四

